




O ministro de Agricultura, Miguel Arias Cañete, presentou hai unha semana a varias ONGs ecoloxistas o cuarto borrador da futura Lei de Montes. Un texto que, no seu artigo 50, contempla a posibilidade de **recalificar montes arrasados polo lume**. *"Con carácter excepcional as comunidades autónomas poderán acordar cambio de uso forestal cando concorra un interese xeral prevalente o cal deberá ser apreciado mediante lei, sempre que se trate de terreos de titularidade pública e que se adopten as medidas compensatorias necesarias que permitan recuperar unha superficie forestal equivalente á queimada. Tales medidas compensatorias deberán identificarse con anterioridade ao cambio de uso"*

.

Así o recollía a semán pasada o diario [El Confidencial](#) que apuntaba que pese a que o texto aínda non é o definitivo, Greenpeace alerta de que este novo parágrafo (engadido agora sobre o texto orixinario da Lei 43/2003 de 21 de novembro) abre a porta a posibles recualificacións de montes queimados para convertelos en urbanizables.

"Durante a reunión, o ministro Arias Cañete asegurounos que isto só se aplicaría en casos excepcionais, pero temos o razoable temor de que, como ocorre tantas veces, a excepcionalidade pódase converter en norma"

, en palabras de Mario Rodríguez, director de Greenpeace en España.

Para evitar que a avaricia especulativa inspirase a propietarios de montes e construtores a arrasar con lume espazos naturais para a súa posterior recualificación, como ocorreu de forma reiterada desde os anos 70 en España coincidindo co boom inmobiliario, **a actual lexislación española prohibe taxativamente o cambio de uso dos espazos queimados no prazo de 30 anos.**

É dicir, se un monte arde a súa recuperación está protexida pola prohibición de cambio "de uso forestal polo menos durante 30 anos" e pola imposibilidade de realizar nese espazo "toda actividade incompatible coa rexeneración da cuberta vexetal, durante o período que determine a

A nova lei de montes do PP abre a posibilidade da recalificación urbana dos montes queimados

Escrito por Redaccion @valminorinfo

Luns, 25 Marzo 2013 12:12

lexislación autonómica".

Información completa en [El Confidencial](#)